

آنادولو مجموعه کی

محمد رابع زماننده آنادولو	احمد رفیق
ملی تارخیزک اسمی	مکرمین جلیل
ازینق	علمی ضیا
(لادیک) لی محمد افندی	رؤف یکتا
مناظرالعوالم	حامد سعری
پوت	نجیم الدین جلیل
شعرلرینه نظر آکوهری	محمد خالد
صاجلاک	حبیب فاضل
آنادولو عرفی ودستانلری	علمی ضیا
دیار بکره	اسماعیل نامی
آنادولوده مرزعی ساحلر	محمد شرف


ناشری : آنادولی قومانییت نشریات شرکتی

ایران کاغذ و کتابت و نشریات

بورالر کوندريله جك آداملر ، خلقى اداره ايچون کوندرلزدى ؛ صوميق ايچون کوندريليردى . داهلر طوغروسى ايلتير ، خقيقه برابر ، مثلا حلواخانه دن چيقمه اوسته رضوانه ، چوالجى حسن پاشايه ساتيليردى . اوسته رضوان ، خادم قرنداش حسن آغادن صوگرا ، بوز اولوسه تعيين اولوندوغى زمان ، چاوش اوغلى محمد پاشا ، حقنده شو سوزلرى سويله مشدى :

— بو رضوان بنم خدمتكارم ايدى . حلواخانه دن سكر وعسل سرقه سيله سرمايه نائل اولش بر زهر زقوم خبشيدر . تركمانى اكا ويريرسه كز فته احداشته سبب اولوز . فقط ، فته احداثى استانبول رجالتك امورنده دكلدى . مثلا او صرلرده قرمان بكار بكيسى قوشجى حسن پاشا ، سلفى ده چوالجى حسن پاشا ايدى . آناطولو خلقى ، بو صورتله عصر لرجه قوشجيلرك وچوالجيلرك صاريجلرى ولوندلرى النده پريشان اولدى .

اصم رفيع



آنادرلوده مرزغى ساهرل

يوردميزده خصوصى بر ايصيتمه منطقه سى يوقدر . ايصيتمه نك آنادرلوده انتشار وتوسع ساحه سنى يعنى جوغرافياسنى مطالعه ايچون بورانك طبيعى — مياهى خريطه سنى تدقيق ايتك لازم كلير . ياراتيلدقلى زماندنبرى كندى حالنده آقان نهرلرك يانلرنده مختلف صورتلرله بريكن ، دوز حوضه لرده طويلانان دورغون صولر قى ييلرنده اوطوران خلق ايچون دائمى بر ايصيتمه انتان منبعيدر . يالكز ، بويه مرزغى محللرده بولونان ايصيتمه ناقلى آنوفه لار باتاقلقلرك سكر يوز مترو محيطنده كى ساحه نك خارجيه مرتفع ، بناء عليه جريان هوايه معروض محللرده ياشايمازلر .

آنادرلوده ايصيتمه منطقه لرى مطالعه ايچون بونك ايرماق ، چاى ، دره لرك منصيلرنده احداث ايتدكلرى باتاقلقلره ياقين شهر وقصبه لرده كى تاثيراتنى نظراعتباره آماليدر . فقط بوتأثيراتى آكلامق ، اصولى دائره سنده حاضر لائمش ايستاتستيقلرك وجودينه متوقفدركه ،

مع الاسف بز بونلره مالك دكلز [۱] شو حالده آنادولوده ایصیتمه منطقه لرینی مطالعه ضمتده کی تدقیقاتنك آنحق عمومی وتوصیف برماهیتده قالماسی ضروریدر .

*
* *

قارادک ز ساحلله رنه ایصیتمه — قارادک زك شرق ساحلنده نرینه باقیلسه ، برچوق ایرماق ، چای ، دره آغزی کورولور . بونلر ایجریلردن نقل ایتدکلری مواد عضویه و غیر عضویه یی منبعلرنده یاش بر حالده ترك وترسیب ایتکده درلر . ایشته بو صورتله بورالرده ایصیتمه منبعلری حصوله کلیر . فی الحقیقه بوساحلده کی شهرلردن برچوغی ایصیتمه استیلاسی آلتنده در . بالخاصه ترمه ، چهارشنبه قضالرنده بو خسته لق ، اعظمی برشدته حکمراندر . ترمه — چهارشنبه اراضیسی اوزونلقجه اون سکیز ، کیشلکجه یدی ساعت تربیغنده ، هان سطح بحر سویه سنده کاملاً دوز ، مترسب اراضیدن متشکل براوادر . بو اووانك مرکزنده چهارشنبه ، شرقده ترمه قصبه لری ، یوزی متجاوز چیفتلك وکوی واردر . بوکنیش اراضی یی یشیل ایرماق ، ترمه ، میلیچ صولریله دها برچوق صولر باصار . بونلر ، میلی پک آز اولان اوواده آقامیه رق دورولور ، سازقلر وجوده کتیرر . بونلرک بعضیلری سمنلك ، قارغلی ، دومانلی ، آقارچق کبی بویوک ساحل کوللری حالنده در . ایشته ترمه نك مشهور پرنجی بوباتاقلق طوپراقلرده یتیشیر . بوحوالیده یازین هوا ، پک آغیروفا اولدیغندن اهالی داخله چکلیر ، بونکله برابرخلق ینه ایصیتمه نك تأثیرندن قورتولامیه رق ضعیف وفقرالده مبتلا وتمامیله بی تاب وتواندر . ایصیتمه یوزندن اکثریسنك قارنلری شیش ، دالافلری برطرفه صارقیقدر . بافره جوارنده قیزیل ایرماق سرعتی پک زیاده غائب ایتدیکندن برچوق باتاقلقلر یاپار ، بونلرده بافره اهاالیسنی زهرله ین برر میاسما قووانیدر . [۲] ینه بوساحلك کیره سون ، اردو ، تیره بولی قضالرینك بعض یرلرنده دره وایرماقلر جوارنده چلتیکلر وجوده کتیریلشدی . هوانك جیادتی اخلال و برچوق وفیاته سبیت ویره ن حمای مرزغی ، پرنج زراعتنك منعی اوزرینه اسباب عارضیه سیله برلکده زائل اولمشدر . بوساحلك آرزقه سی کیتدکجه یوکسه له رک سیواس

[۱] حیه ومعاونت اجتماعیه وکالتیجه بر ایصیتمه خریطه سی وجوده کتیریلشسه ده ، هنوز غیر مطبوعدر .

[۲] قیزیل ایرماق وقتیه بافره قصبه سی جوارنده دکزه دوکیلکده ایدی . ییللردنبری فعالیت نقلیه سی نتیجه سنده آغزی منادیاً دوله یردیغندن بافره بوکون ساحلن کیار تورلرجه کیریده قالمشدر .

یابلاسنه کیده رسده توقات ، آماسیه اراضیسی ینه منخط قالیر . بو منخط منطقه ده طربزون ساحلی کبی صولا قدر . صولو اووا [آماسیه] قاز وطاش اووالر [طوقات] بوجهلنددر . صولو اووا جزیران میاهه پک آزمساعد اولدیغندن ایریلی اوقاقلی برچوق باتاقلقلری احتوا ایدر . بونلره چلتیکلرده انضمام ایدنجه ، منطقه تمامیه مرزغی برحاله کلشیدی . بورالرده پرنج زراعتنک منعی تأثیرات مرضیه یی تخفیف ایتش ایسه ده ، بوسوتون اندفاعنی تأمین ایدمه مشدر . توقادک غربنده طوزانلی ایرماغیله صولانان قاز اووا ده [۲۶۰۰] قاز کولی یازین غایت متعفن بر باتاقلق حالی آلدیغندن بو کوزل وادیده حمای مرزغی اهمیتی تحریبات یاقمده ، اووانک معطل بر اقلیمسنه باشلیجه سبب اولمده در . نیکسار اوواسی [کلکیت وادیسنک یوقاری طرفی] چلتیکلردن دولای حمای مرزغی به مساعد بر جو- لانکا هدر . سینوب حوالیسند قانلی دره ، چاقر چایی ، قره صو ، عیانجق چایی وقسماً دکزک مد وجذری قره کول ، آق ساز ، صاری قوم باتاقلقلری کبی باتاقلقلر یامش ، بونلر ایصیتمه نک اولانجه شدتیه حتی قیشین بیله حکم سورمه سنه سبب تشکیل ایتمشدر . بوندن ماعدا قیزیل ایرماق وادیسند پرنج زراعتیه مألوف بوی آباد ایله کذلک زغفرا- نبولینک هر کوبنده ، سقاریا منبعده آق یازی ، آطه پازاری ، دوزجه ، مندرنی وجوارلری باتاقلق ، بناء علیه ایصیتمه لیدر .

مرمه ساحلرندره ایصیتمه — آنادولونک مرمره ساحلی جهتده ایزمیت اوواسی ، بو میانده ایزنق جواری مرزغی بر ساحه در . کذلک قره جه بک اوواسی ده بو نوع اراضیدن اولوب جواری ایصیتمه قدر .

آطه لر دکزلی ساحلنره ایصیتمه — آطه لر دکزینه بویوک ، کوچوک برچوق صولر دوکولمکده در . آنادولونک آطه لر دکزلی جهتده نیف ، منمن اووالری باتاقلقلری محتوی ، یازین هواری وخیم وایصیتمه تولید ایده جک وسائطه مالکدر . کوچوک مندرس وادیسنه کلنجه ، بونک آنجق غربی قسمنده وطوربالینک جنوبنده بعضی باتاقلقلر واردر . کویجکترله ساحل آراسی ده آیریجه مرزغی بر ساحه وجوده کتیر بر .

آوه دکز ساحلنره ایصیتمه — آنادولونک آق دکز ساحلنده آنطالیه وجیحان اووالری مرزغی اراضیدن عبارت اولوب اقلیمک تأثیریه بورالرده ایصیتمه شدید ومستولی برحاله در . بالخاصه جیحانک هر سنه طغیانی جوار قریه وجیقتلکدرده بویوک ضررلر یاپدینی کبی وادینکده بوسوتون تهلکهلی ، همان همان غیر قابل اسکان بر حاله قالماسنه سبب اولور .

بو ساحه ده مرعش او واسنك ده شرق جنوبی جهتلری باتاقلق و سازلق ، بورالرده پرنج زراعتی ده متعمم در . بو اعتبار ایله هواسی وخیم اولان مرعش او واسنك بو طرفلری مرزغی منطقه لردن در .

داخلی آنادولوده ایصیتمه — داخلی آنادولوده بویوك كوللرك كنارنده بولنان قصبه - لرده مرزغی حما اندفاعی پك شدیددر . بالخاصه باتاقلقلر حاصل ایدن بك شهری كولنك قی یسینده بك شهری قصبه سی وحوالیسی ایصیتمه جهتیله یرلیرجه آنادولونك یمنی دییه آکیلیمقده در . کوی بوندن ۱۰ - ۱۵ ییل اول ۵ - ۶ یوز خانه ایکن هوانك وخامتدن دولایي بو کون ایکی یوز خانه قالمشدر . ینه داخلده نیکده ، بور قصبه لرلیه یاقینلرنده کی کویلر ، یحیالو ، نهمن اوواسی منطقه لری ساکنلری دوغریدن دوغری یه ایصیتمه یه معروضدرلر . حتی بو حوالیده باتاقلق اولیان محللرده ، داغ اوزرنده کائن کویلرده بیله ایصیتمه نك تخریباتی کورولمکده در .

المزده کی وثیقه لره نظراً ویردیكمز شو ایضاحات ایصیتمه نك آنادولوده اسپردن مندرس وادیسنه ، زعفرانبولیدن مرعشه قادار حکمران اولدیغنی کوستریبور . شاید بر آنادولو خریطه سی اوزرنده ایصیتمه لق موقعلری ایصیتمه لینك قنی کبی صاری رنکه بویامق ایجاب ایتسه ، کوریله جکدرکه ، پك آزی ر بورنكك خارچنده فالاجقدر . صوك استانبول - آنقره سیاحتمده اوغرا دیغمز هر موقعده ایصیتمه نك تأثیراتی کوردم . کوزل اسکیشهر بیله ، باتاقلقلر تشکیل وصحت عمومی یه اخلال ایدن دره سیله ایصیتمه لقدر . شو حال بزه اثبات ایدیورکه ، آنادولونك صحتیله حقیقه علاقه دار اولدینمز اینك دقیقه ده ائك اول ایصیتمه ایله مجادله یه کیریشمك ضرورتی واردر . باقالم ، بو ضرورتی نه زمان آکلا یوب فعلاً ایشه باشلا یاجغز .

۴ تشرین اول ۳۳۹

محمد شرف

